



Miehleketo ya Ntiyiso ya kahle




Katekani Matumba



Ntiyiso a tshama ematiko-xikaya na kokwana wa yena.

Masiku hinkwawo loko xikolo xi huma, a ku ri ntoloveloo wa yena ku ya enambyeni ku ya ka mati yo sweka no hlantswa.





Ntiyiso a rhelela xitshabyana a ya
enambyeni, a rhwala bakiti ra tilitara ta
khume ro ka ri nga ri na nchumu.

A ku ri ndlela yo leha!



Ntiyiso uatile bakiti hi mati ya le nambyeni.
A ri tika swinene, kambe Ntiyiso a ri tlakusa hi
ku nonoka, ari tlhandleka enhlokweni.





Hi ku nonoka na hi vukheta, Ntiyiso u rhwarile
bakiti lero tika ra mati a gonya xitshabyana a
ya ekaya ra vona.


A ku ri ntirho wo tika!



Loko Ntiyiso a fika ekaya, kokwana a yimile erivantini leswaku a ta n'wi pfuna hi bakiti ra mati.

Ntiyiso a karhele naswona a hisa miri.

“Kokwana, ndzi karhele onge ndzi nga ka ndzi nga tsali ntirhokaya,” a vula.





Hi siku leri landzelaka exikolweni, Ntiyiso a ha karhele.

Mudyondzisi wa yena a nga tsaki leswaku Ntiyiso a tshama a karhele masiku hinkwawo hikuva a kelela mati.





Xana Ntiyiso a ta endla yini?

A fanele ku ya ka mati enambyeni masiku hinkwawo na ku endla ntirhokaya wa yena.

Ntiyiso a lava ku tirha kahle exikolweni.

Kambe ku ya ka mati hi bakiti lerikulu a swi n'wi endla leswaku a ti twa a karhele.





Hiloko Ntiyiso u vile ni miehleketo.

U komberile munghana wa yena Lwandle ku va a va na malwandla a n'wi pfuna ku ya ka mati.

Lwandle u pfumerile. Yena a ri na vaboti na vasesi ekaya lava a va n'wi pfuna. A swi tiva leswaku Ntiyiso a nga na wo n'wi pfuna.



Vanghana lava mbirhi va fambile swin'we
enambyeni ku ya ka mati.

Ematshan'wini ya bakiti lerikulu ra tilitara ta
khume, Ntiyiso u rhwarile bakiti ra ntlhanu wa
tilitara ta mati, na Lwandle a rhwala bakiti ro
ringana.





Mikhenso yi ya eka munghana wa yena
Lwandle hi malwandla ya yena, Ntiyiso a nga
ha karhalangi!

A nga ha karhalanga swinene ku va a nga
endli ntirhokaya wa yena, naswona a nga ha
karhalanga ku va a ya exikolweni.



“Ku kombela Lwandle a ku pfuna hi ku ka mati ku vile miehleketo ya kahle, Ntiyiso,” ku vula mudyondzisi wa yena, a ri karhi a n’wayitela.

“Languta na xikambelwana xa wena! U tirha kahle na le ka tinhlayo!”

